



## العمده ( الهانم )

إلحق اجري  
يا عم حسين  
سرقوا المعزة  
و الجديين  
ما خلوا حاجة للمساكين  
إمتي يا واد؟  
وإزاي دا وفين؟  
ومين يعملها  
يا واد يا آمين  
قلت ما يعملهاش  
غير سعده  
أصله حرامي...  
يوماتي من ده

قالي يا واد اجري  
علي العمده  
قوله تعالى في  
مصيبة جامده  
اجري يا واد  
و معاك خد كامل  
روحنا و شوفنا الحال المايل  
لقينا الغفرة  
و قول كام عامل  
سألوا... عايزين  
ايه يا أفاضل  
قلنا العمده  
في طلب عاجل

قالوا.. يلزمكوا كام راجل  
جناب العمده... أصله حامل  
بقي ينفع ده يا بهوات  
يبقي العمده من الستات  
ومكان زين راح يبغي زينات  
وبكره الغفرة يبقوا بنات  
والله يا خلق ده موش راح ينفع  
العمده يحمل و كمان يوضع  
ويبقى أجازة و مش راح يطلع  
أصل جنابه بقى بيرضع  
ويسيب الدنيا... تخطب ترقع  
والمعزة تغور .. وصاحبها يولع